

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U TEŠNJU
Broj: 39 0 K 058626 23 K
Tešanj, 23.04.2026.godine

U IME FEDERACIJE BOSNE I HERCEGOVINE!

Općinski sud u Tešnju, po sudiji Bajraktarević Zijadu uz učešće zapisničara Cerovac Emine, u krivičnom predmetu protiv optuženog S. A., zv. „O.“ sin A., zbog krivičnog djela produženo krivično djelo prikrivanje iz člana 300. stav 2. KZ FBiH, po optužnici Kantonalnog tužilaštva Zenica broj T04 0 KT ... 20 od 13.03.2023.godine, nakon održanog glavno pretresa, dana 23.04.2026. godine, u odsustvu uredno obavještenih Kantonalnog tužioca i optuženog, donio je i javno objavio slijedeću

P R E S U D U

Optuženi: **S. A.**, zv. „O.“ sin A. i majke H. rođene R., rođen godine u Tešnju, gdje je i nastanjen na adresi P. broj ..., općina Tešanj, pismen, sa završenom osnovnom školom, oženjen, otac dvoje djece, lošeg imovnog stanja, po narodnosti Bošnjak, državljanin BiH, JMB: ..., višestruko osuđivan za razna krivična djela,
K r i v j e

što je:

1. U periodu od 03/04.02.2020. godine do 05.02.2020. godine u mjestu P., na području općine Tešanj, od B. N. i K. D., kupio putnički automobil marke „Volkswagen“, tip 19 E, model „Golf“, bijele boje, registarskih oznaka ..., broja šasije, broja motora RF ..., godina proizvodnje 1989., vlasništvo A. H. iz T., otuđen u mjestu Teslić dana 03/04.02.2020. godine za iznos od oko 250,00 KM, s ciljem dalje prodaje i sticanja protivpravne imovinske vrijednosti, znajući da je stvar pribavljena krivičnim djelom, jer je vrijednost vozila veća od cijene koju je platio, te da isto nije imalo bravu za paljenje nego se palilo spajanjem žica i nije imalo potrebnu dokumentaciju, niti dokaz o porijeklu, koje je pronađeno od strane policijskih službenika PS Tešanj u dvorištu njegove porodične kuće,

2. U periodu od 28/29.01.2020. godine do 06.02.2020. godine u mjestu P., na području općine Tešanj, od B. N. i K. D., kupio putnički automobil marke „Volkswagen“, tip 19 E, model „Golf“, crvene boje, registarskih oznaka ..., broja šasije ..., broja motora JP ..., vlasništvo S. O. iz Banja Luke, otuđen u mjestu Teslić dana 28/29.01.2020. godine za iznos od oko 250,00 KM, s ciljem dalje prodaje i sticanja protivpravne imovinske koristi, znajući da je stvar pribavljena krivičnim djelom, jer je vrijednost vozila veća od cijene koju je platio, te da isto nije imalo bravu za paljenje nego se palilo spajanjem žica i nije imalo potrebnu dokumentaciju, niti dokaz o porijeklu, a koje je rasklapao i sjekao na sekundarne sirovine u dvorištu porodične kuće, te takve prodavao preduzeću sekundarnih

sirovina „Fortina“ u mjestu K., općina Tešanj, dok je motor broj JP ... zadržao za sebe, radi dalje prodaje i sticanja protupravne imovinske koristi, a koji je dana 06.02.2020. godine prilikom pretresanja od strane policijskih službenika PS Tešanj, po Naredbi Općinskog suda u Tešnju broj: 39 0 K ... 20 Kpp od 06.02.2020. godine, pronađen i privremeno oduzet od njega,

3. U periodu od 28/29.01.2020. godine do 06.02.2020. godine u mjestu P., na području općine Tešanj, od NN lica kupio putnički automobil marke „Volkswagen“, tip 19 E, model „Golf“, crvene boje, registarskih oznaka ..., broja šasije ..., broja motora JP ..., vlasništvo P. M. iz K. V., otuđen u mjestu Kotor Varoš dana 28/29.01.2020. godine, znajući da je stvar pribavljena krivičnim djelom, jer je vrijednost vozila veća od cijene koju je platio, te da isto nije imalo bravu za paljenje nego se palilo spajanjem žica i nije imalo potrebnu dokumentaciju, niti dokaz o porijeklu, a koje je rasklapao i sjekao na sekundarne sirovine u dvorištu porodične kuće, te takve prodavao preduzeću sekundarnih sirovina „Fortina“ u mjestu K., općina Tešanj, dok je motor broj JP ... zadržao za sebe, radi dalje prodaje i sticanja protupravne imovinske koristi, a koji je dana 06.02.2020. godine prilikom pretresanja od strane policijskih službenika PS Tešanj, po Naredbi Općinskog suda u Tešnju broj: 39 0 K ... 20 Kpp od 06.02.2020. godine, pronađen i privremeno oduzet od njega,

4. U periodu od 23/24.01.2020. godine do 06.02.2020. godine u mjestu P., na području općine Tešanj od NN lica, kupio putnički automobil marke „Volkswagen“, tip 19 E, model „Golf“, crvene boje, registarskih oznaka ..., broja šasije ..., broja motora ..., vlasništvo N. R. iz Kotor Varoši, otuđen u mjestu Kotor Varoš dana 23/24.01.2020. godine, znajući da je stvar pribavljena krivičnim djelom, jer je vrijednost vozila veća od cijene koju je platio, te da isto nije imalo bravu za paljenje nego se palilo spajanjem žica i nije imalo potrebnu dokumentaciju, niti dokaz o porijeklu, a koje je rasklapao i sjekao na sekundarne sirovine u dvorištu porodične kuće, te takve prodavao preduzeću sekundarnih sirovina „Fortina“ u mjestu Kraševo, općina Tešanj, dok je vezni lim prednje strane vozila sa pločicom broja šasije ... zadržao za sebe, radi dalje prodaje i sticanja protupravne imovinske koristi, a koji je dana 06.02.2020. godine prilikom pretresanja od strane policijskih službenika PS Tešanj, po Naredbi Općinskog suda u Tešnju broj: 39 0 K ... 20 Kpp od 06.02.2020. godine, pronađen i privremeno oduzet od njega,

5. U periodu od 26/27.01.2020. godine do 06.02.2020. godine u mjestu P., na području općine Tešanj od NN lica, kupio putnički automobil marke „Volkswagen“, tip 1HXO, model „Golf“ zelene boje, registarskih oznaka ..., broja šasije broja motora ..., vlasništvo H. J. iz Z., otuđen u Zavidovićima dana 26/27.01.2020. godine za iznos od oko 320,00 KM, znajući da je stvar pribavljena krivičnim djelom, jer je vrijednost vozila veća od cijene koju je platio, te da isto nije imalo bravu za paljenje nego se palilo spajanjem žica i nije imalo potrebnu dokumentaciju, niti dokaz o porijeklu, a koje je rasklapao i sjekao na sekundarne sirovine u dvorištu porodične kuće, te takve prodavao preduzeću sekundarnih sirovina „Fortina“ u mjestu K., općina Tešanj, dok je vezni lim prednje strane vozila

sa pločicom broja šasije ... zadržao za sebe, radi dalje prodaje i sticanja protupravne imovinske koristi, a koji je dana 06.02.2020. godine prilikom pretresanja od strane policijskih službenika PS Tešanj, po Naredbi Općinskog suda u Tešnju broj: 39 0 K ... 20 Kpp od 06.02.2020. godine, pronađen i privremeno oduzet od njega,

dakle, tuđu stvar s ciljem dalje prodaje kupio, iako je znao da je stvar pribavljena krivičnim djelom,

čime je počinio produženo krivično djelo Prikrivanje iz člana 300. stav 1. KZ F BiH, sve u vezi sa članom 55. KZ F BiH.

pa mu se na osnovu navedenih zakonskih propisa a uz primjenu odredaba člana 42, 43., 49. i 62. Krivičnog zakona Federacije Bosne i Hercegovine izriče

UVJETNA OSUDA

Kojom se optuženom S. A., zv. "O." sin A. za počinjeno krivično djelo utvrđuje kazna zatvora u trajanju od 6 (šest) mjeseci koja se kazna neće izvršiti ukoliko optuženi u roku od jedne godine od dana prvosnažnosti ove presude ne počini novo krivično djelo.

Optuženi se oslobadja plaćanja troškova krivičnog postupka i isti padaju na teret budžetskih sredstava shodno odredbi člana 202. stav 4. Zakona o krivičnom postupku Federacije Bosne i Hercegovine.

Oštećeni A. E., S. O., P. M., N. R., H. J. i J. M. se upućuju da oštetni zahtjev mogu ostvariti u parničnom postupku.

O b r a z l o ž e n j e

Kantonalno tužilaštvo Zeničko-dobojskog kantona Zenica optužnicom broj T04 0 KT ... 20 od 13.03.2023.godine, optužilo je S. A. zv. "O." sin A., da je počinio produženo krivično djelo prikrivanje iz člana 300. stav 2. u vezi sa stavom 1. KZ FBiH a sve u vezi sa članom 55. KZ FBiH.

Sudija za prethodno saslušanje ovog suda je predmetnu optužnicu potvrdio dana 20.03.2023.godine i zakazao ročište radi izjašnjenja o krivici.

Na ročištu za izjašnjenje o krivici optuženi S. A. je izjavio da osporava krivicu za krivično djelo koje mu se stavlja na teret te je predmet prosljedjen postupajućem sudiji radi zakazivanja glavnog pretresa.

Tokom glavnog pretresa optuženi je izjavio da priznaje krivicu i da su tačni navodi iz optužnice, da je počinio krivično djelo koje mu se stavlja na teret, da se kaje zbog počinjenog krivičnog djela obećava da se neće više ponoviti činjenje

krivičnih djela te nakon ovoga nije počinio nikakvo krivično djelo te moli sud da mu se izrekne uslovna osuda.

Priznanje optuženog S.A. je potpuno te je u skladu sa dokazima u spisu i to: Naredba Općinskog suda u Tešnju broj: 39 0 K ... 20 Kpp od 06.02.2020. godine, Potvrda o privremenom oduzimanju predmeta PS Tešanj broj: ... od 06.02.2020. godine na ime S. A., Zapisnik o pretresanju stana, drugih prostorija i pokretnih stvari broj: ... od 06.02.2020. godine, Naredba o privremenom oduzimanju predmeta Općinskog suda u Tešnju broj: 39 0 K ... 20 Kpp od 14.02.2020. godine, Potvrda o privremenom oduzimanju predmeta PS Tešanj broj: ... od 17.02.2020. godine na ime J. M., Zapisnik o izvršenoj radnji privremenog oduzimanja predmeta i popisu privremeno oduzetih predmeta PS Tešanj broj: ... od 17.02.2020. godine, Potvrda o prijemu predmeta Općinskog suda u Tešnju broj: 39 0 K ... 20 Kpp 2 od 21.02.2020. godine, Potvrda o predaji predmeta Općinskog suda u Tešnju broj: 39 0 K ... 20 Kpp 2 od 24.02.2020. godine, Naredba Općinskog suda u Tešnju broj: 39 0 K ... 20 Kpp 2 od 24.02.2020. godine, Naredba Općinskog suda u Tešnju broj: 39 0 K ... 20 Kpp 2 od 06.03.2020. godine, Zapisnik o uviđaju PS Teslić broj: ... od 04.02.2020. godine, Zapisnik o uviđaju PS Teslić broj: ... od 29.01.2020. godine, Zapisnik o uviđaju PS Kotor Varoš broj: ... od 29.01.2020. godine, Zapisnik o uviđaju PS Kotor Varoš broj: ... od 24.01.2020. godine, Zapisnik o uviđaju PS Zavidovići broj: ... od 27.01.2020. godine, Presuda Osnovnog suda u Tesliću broj: 87 0 K ... 20 K od 19.11.2020. godine, Presuda Osnovnog suda u Tesliću broj: 87 0 K ... 20 K od 30.12.2020. godine, Izvod iz kaznene evidencije za osumnjičenog S. A. PS Tešanj od 04.08.2022. godine, Fotodokumentaciju PS Tešanj broj: ... od 05.02.2020. godine, Fotodokumentaciju PS Tešanj broj: ... od 06.02.2020. godine, Otkupni blokovi „Fortin“ d.o.o. Tešanj, Zapisnik o saslušanju svjedoka oštećenog A. E. PS Teslić broj: ... od 05.02.2020. godine, Zapisnik o saslušanju svjedoka oštećenog S. O. PS Teslić broj: ... od 03.02.2020. godine, Zapisnik o saslušanju svjedoka oštećenog P. M. PS Kotor Varoš broj: ... od 30.01.2020. godine, Zapisnik o saslušanju svjedoka oštećenog N. R. PS K. V. broj: ... od 27.01.2020. godine, Zapisnik o saslušanju svjedoka oštećene H. J. PS Zavidovići broj: ... od 27.01.2020. godine, Zapisnik o saslušanju svjedoka J. M. PS Tešanj broj: od 19.02.2020. godine.

Sud je stekao uvjerenje da je do priznanja krivice optuženog došlo svjesno, dobrovoljno i sa razumijevanjem, da je optuženi svjestan posljedica i obaveza koje proističu iz priznanja krivice.

Pošto je optuženi na glavnom pretresu izjavio da priznaje krivicu, te da je svjestan svih posljedica i obaveza koje proističu iz priznanja krivice kao i da u spisu postoji dovoljno dokaza o krivici optuženog, to je sud prihvatio njegovo priznanje.

Primjenom odredaba člana 295. stav 2. Zakona o krivičnom postupku Federacije Bosne i Hercegovine sud je izvršio promjenu pravne kvalifikacije djela iz člana 300. stav 2. u vezi sa stavom 1. KZ FBiH na način da ga je kvalifikovao krivično djelo iz člana 300. stav 1. istog zakona jer je sud na osnovu provedenih

dokaza zaključio da se u radnjama optuženog stekla sva bitna obilježja krivičnog djela "Prikriivanja" iz člana 301. KZ FBiH te je u tom smislu prilagodio činjenični opis optužnice.

Obzirom da ne postoje okolnosti koje isključuju krivičnu odgovornost optuženog sud je optuženog oglasio krivim za navedeno krivično djelo i osudio ga kao u izreci presude.

Prilikom odlučivanja o vrsti i visini krivično pravne sankcije, sud je primjenom odredaba člana 49. Zakona o krivičnom postupku Federacije Bosne i Hercegovine cijenio olakšavajuće i otežavajuće okolnosti na strani optuženog koje su od značaja za odmjeravanje kazne.

Od olakšavajućih okolnosti na strani optuženog sud je cijenio činjenicu da je optuženi priznao izvršenje krivičnog djela, da je izrazio kajanje te obećao da više neće ponoviti vršenje krivičnih djela.

Kao otežavajuću okolnost na strani optuženog sud je cijenio činjenicu da je kažnjavan za krivično djelo.

Cijeneći navedene olakšavajuće i otežavajuće okolnosti na strani optuženog sud je optuženom za navedeno krivično djelo izrekao uvjetnu osudu tako što je utvrdio kaznu zatvora u trajanju od 6 (šest) mjesec, koja se kazna neće izvršiti ukoliko optuženi u roku od jedne godine od dana pravosnažnosti presude ne počini novo krivično djelo.

Cijeneći subjektivni odnos optuženog prema počinjenom krivičnom djelu, ocjena je suda da je optuženi krivično djelo počinio sa umišljajem.

Optuženi se oslobadja plaćanja troškova krivičnog postupka i isti padaju na teret budžetskih sredstava shodno odredbi člana 202. stav 4. Zakona o krivičnom postupku Federacije Bosne i Hercegovine.

Oštećeni A. E., S. O., P. M., N. R., H. J. i J. M. se upućuju da oštetni zahtjev mogu ostvariti u parničnom postupku.

POUKA O PRAVNOM LIJEKU:

Protiv ove presude dozvoljena je žalba Kantonalnom sudu u Zenici, u roku od 15 dana, od dana prijema iste, putem ovog suda. Žalba se podnosi u dovoljnom broju primjeraka za sud i protivnu stranku.

S u d i j a
Bajraktarević Zijad